

ISUA LEHTLACHHAMTE



CHÂNGVAWN: “ ‘Retheite hnêna Chanchin Ṭha hril tûra mi ruat avângin LALPÂ Thlarau chu ka chungah a awm; Ani chuan mi rilru nâte tihdamsak tûr te, saltângte hnêna chhuahna thû leh, mitdelte hnêna mitvâr neih lehna thû sawi tûr te, hnehchhiah tuârte chhuahtîrna tûr te, LALPÂ lungâwi kum thû sawi tûr tein, Mi tûr a ni,’ tih hi,” (*Luka 4:18, 19, NKJV*).

SABBATH CHAWHNÛ

AUGUST 10

Chhiar Tûr: *Isaia 53:3–6; Matthaia 12:15–21; 21:12–16; Marka 11:15–19; Luka 1:46–55; 4:16–21; 7:18–23.*

ISUÂ mihring chan chhante zîngah kan hnêna Pathian nihna târlan kha a tel a. Chû chu a zirtîrna te, a inpêkna leh a nun hmangin a hlen a; chû chu mi narânte khawsakpuina hmangin a ni. A thiltih tam takte khân khawvêla chêngte nunah danglamna a thlen nghâl thîn a.

Heti zâwnga Messiâ rawngbâwlna tûr hi Thuthlung Hlui zâwlneite pawhin an lo sawi lâwk a; Isuâ nû Mari bâkah, amah Isua ngêi pawhin a thusawi chhinchhiah hmasak berah (*Luka 4*) pawh khân a sawi chhuak a. Chûbâkah chuan, Chanchin Ṭha ziaktûte khân Thuthlung Hlui zâwlneite ṭawngkam la chhâwngin, a chanchin an sawinaah a thiltih sawi fiah nân an hmang thîn. Chutiang

chuan, Isuâ nun kha hêng zâwlneite thuziakah chiang taka târlan niin, retheite leh hnehchhiah tuârte an lainatna pawh a tel a ni.

Sâkhaw hruaitûte erawh kha chuan Isua kha an tân mi hlauhawm angin an hmu tlat mai a. Dik lo leh râwng taka chêin, Isua chu an man a, fel lo taka a chungthû rêlin, an khêngbet ta a ni. Isuaah khân Pathianin fel lo taka rêlsak nih awmzia hriain, a thihna zârah thil ̄tha lo râpthlâkzia târlan a ni bawk a. A thawhlehnain nunna, ̄thatna leh chhandamna chu a dinchanpui ta a ni.

SUNDAY

AUGUST 11

Mari Hlâ

Thilthleng kha suângtuah teh: a hmâ deuh lawkah Marin angel Gabriela hnên a ̄tangin thuchah a dawng kha a ni a. Ani chu Isua, Chungnung Bera fapa nû-ah a ̄tang dâwn a ni. Tûmâ hnênah pawh hrihl lo vin, a laichîn hnâi Elizabeth-i tlawhin a zin chhuak nghâl thuai a. Ani pawh chu thlilmak thleng zâra nâu pâi vê mêk a ni bawk. Marin thil awmzia eng mah a la sawi hmâ hauhin, Elizabeth-i chuan thhlarau tihvârna changinMari chanchin chu a hrethiam a, an pahnih chuan Pathian ̄thatna leh thutiamte chu an lâwm dîn a ni.

Luka 1:46–55 chhiar la. Hê thû “Mi Chak khân ka chungah thil ropui min tihsak a,” (Luka 1:49, NIV) tih faknain amâ tâna awmzia a neih bîk dân tûr leh a nâwlpui tâna a nih dân kâr chu chhinchhiah la. Engati nge Pathian kan fak leh chibaibûknaah hian mimal thil leh mi nâwlpui thilte tel kawp tûr a nih ang?

Hei hi hla thu chhinchhiah tlâk tak Fakna Hlâ (*Sâm*) leh Hebrai zâwlneite thuziak zînga telh tlâk a ni. Mari kha Pathian chung a lâwmna leh mak tihna a luâng liam a ni ber a. Amâ nuna Pathian hna thawh chu chiang takin a hmû a, zâu zâwka Pathian ruâhmanna, an hnam leh mihring zawng zawngte tâna awmzia a neih dân tûr pawh a hrethiam tho bawk.

Mahse Mari thil hriatthiam kha Pathian thiltihtheihna leh fak-phû a nihzia ngawt a ni lo va, Ani chu zahngaithei leh mi inngaitlâwm, hnehchhiah tuâr te leh rethei te ngai pawimawhtu a nihna pawh a ni tel a. Angel-in Mari hnêna “chanchin thâ” nâu a pâi tûr thû a puâng zo a kalsan hman chauh tihin, “An thutphaha lal thûte chu a hnûk thlâ a. Hnam tlâwmte chu a châwimâwi ta a. Rilâtamte chu thil thâ takin a tipuar a, hausate chu kutruakin a kal botîr ta,” (*Luka 1:52, 53*, NIV) tih hlâ a sa zui a.

Hê leia Isuâ nun tantirhnaah khan, ani chu rorêltu anga sawi a ni a (*Luka 1:43*)—mahse khawvêl lalrama rorêltûte ang a ni vê lo. Hrilhfiaktu tam takten an sawi thîn angin, Pathian lalram Isuan a rawn din kha chu hê khawvêl lalramte nêna khâikhin râlah chuan “Lalram-letling” ang mai a ni. Isuan a lalram a sawi dânah kha chuan hê khawvêla mi thiltitheih leh hausâte chu mi tê berte niin, mi rethei leh hnehchhiahte chu chhuah zalên, ‘tlai-puâr’ leh châwisân hlawhte an ni zâwk.

Kohhran hi Pathian lalram enfîrna a nih dân chuan, engtin nge Mari sawi anga ‘lalram letling’ ang chu a nih theih ang? Engtin nge hetiang a nih laia hausâ leh thiltitheite pawh en hrang chuang lo va, Kristâ hmangaihna dawngtûte an nih vê tho theih ang?

THAWHTANNÎ

AUGUST 12

Isuâ Rawngbâwlina Thû

Khâ mi nîa chhiar tûra ruâhman a ni nge, Amah Isua khân a châng duh thlan rêng a ni nge (*Isaia 61:1, 2*) lehkhabu ziala mî a chhiar A sermon sawi hmasak ber atân khân thil thleng ruâl palh a ni lo. Chutiang bawkin, Isuâ sermon sawi tâwi tê *Luka 4:16-21*-a chuâng—”Hê Pathian Lehkha Thû hi vawiiinah hian in hriatah a lo thleng ta,” (*Luka 4:21*, NIV) tih puângin Isuan vântlâng zînga a rawngbâwlina chu a tan ta a ni.

Mari hlâa “lalram letling” tih ziarâng kha Isuan a la chhâwng a ang deuh a, chutiang chu a rawngbâwlnaah pawh a kalpui ta zêl a. Amah Isua leh Lukan Isuâ chanchin a sawiah khân Isaian Isuâ thil tih leh eng nge a la tih dawn tih hrilh lâwkna chu a hmang a, a hmâ kum 30 vêla Mari thil lo sawi tawh sawi nawna ang deuh a ni. Rethei te, hrehawm leh hnehchhiah tuârte chu thupuia neiin, Isuâ chanchin tha rawn thlen dawngtû tûrte an ni.

Hêng thû hi Isuan *Isaia 61* aţanga la chhakin, a rawngbâwlna tûr puân nân a hmang a. A rawngbâwlna leh tihtûr kha thlarau lam thil leh a taka hman tûr niin, thlarau lam thil leh a taka hman tûr chu thil inpersan a ni lo tih a lantîr dawn a ni. Isua leh a zirtîrte tân chuan mipuite tîsa lam thil ngaihsak leh a taka tih chu an thlarau lam thil ngaihsakna a ni.

Chhiar a khâikhin tûr: *Luka 4:16–21* leh *7:18–23*. Hetiang zâwnga Isuan a chhân chhan chu eng nge nia i rin? Isuâ vân mî nihna leh Messia a nihna chungchânga zawhnate chu engtin nge i chhân vê ang?

Isuan a zirtîrte a tirh chhuah khân, ti tûra a tirhna kha amâ rawngbâwlna nêna inrem a ni a. “Vân lalram chu a lo thleng ta e” (*Matthaia 10:7*, NIV) tih an puân ruâlin, a zirtîrte hnêna thû a hrilh belh chu, zirtîrte khân “damlote tidamin, phârte an tithianghlim ang a, ramhuaite an hnawtchhuak” (*Matthaia 10:8*, NIV) tûr a ni bawk. Amâ hminga rawng an bâwlnaah Isuâ rawngbâwlna thupuite târlangin an ngaihlu tûr a ni a, a lalrama lût tûrin mîte an sâwm bawk tûr a ni. Zirtîrte pawh khân Isuâ rawngbâwlnaah tawîawmin, mi hnuaihnung, mi tê ber te leh bote tân rawng an bâwlsak tûr a ni.

Engtin nge hê hnâ thawhna leh Vântirkoh Pathum Thuchah pawimawh tak khawvêl hnêna puânna hi inchawih tâwka kan kalpui ang? Eng kawngin nge kan thil tih zawng zawngte hi? Tûnlai Thudik” puân chhuah nêng eng emawti kawng zâwng tala kal dîn zêl tûr a nih?

Chanchin Țha bûte hian Isua thilmak tih, a bîkin a tihdamna an sawi tam hlê. Isaian a lo sawi lâwk tawh angin, mitdelte tidamin, natnain a phuâr behte pawh chhuah zalên an ni a; a Țhente phei chu kum tam tak chhông natna vei tawhte an ni (*entîrna, Marka 5:24–34; Johana 5:1–15*). Chû chauh chu a tih a nih lo, kebâite pawh kêin an kal a, phâr natnaa veite pawh tihdam niin, thû chauh ni lo ‘mi bawlhhlawh’ kuta dehte pawhin a tihdam an ni a. Mîte taksa leh rilrûte thununsaktu ramhuai pawh hmachhawnin, mi thîte hial pawh kaihthawh an ni.

Hêng thilmakte tih a nihna chhanah, mipuite hîp khâwm a, amah ringhlel leh sawisêltûte hnêna a thiltihtheihzia finfiah nân kan ngai pawh a ni thei e. Isuan mî a tihdamte hnênah khân chutiang chungchâng chu tû mâ hnêna hrilh lo tûrin a ti zâwk tlat Țhîn a. Khâng tihdamna changtûte khân hrilh an nih ang an ngawihpui lêm loh laiin, Amah Isua kha chuan a thilmak tihte chu a lan dân bâka thil pawimawh thlîr tûrin a duh a. A tum ber chu, mîten Amah awm chhandamna an chan theih chu a ni.

Isuan tihdamna thilmak a tihte kha a khawngaihna târlan nâna a tih a ni a. Entîr nân, Matthaia sawi angin mipui 5,000 hrâi pawh kha: “Ani chu vaukama a chhuah chuan mipui tam tak a hmû a, a khawngaih êm êm a, an damlote a tidam a” (*Matthaia 14:14, NIV*) tiin a sawi. Isuan natna tuârte natna tawrhpuin, mî a tawh apiangte Țanpui leh châwikâng tûrin a Țanpui zêl Țhîn.

Matthaia 12:15–21-a Isaia hrilh lâwkna thu chhiar la. Damlo tlêm emaw, za têt emaw tihdam mai âia nasa zâwk Isuan a tih thû engtin nge Isaia leh Matthaia-ten an sawi? _____

“Krista thilmak tihte rêng rêng chu Pathian a nihzia lantîrtu vek an ni a. Hrilh lâwknten Messia thawh tûr an lo sawi lâwk

apiangte chu Kristan arawn hlen zêl a; nimahsela, chûng zahngaihna hnate chu Farisaiten do namên lova nasain an lo do lêt ve zêl a ni. Mihringte chung tuarna lo awm thînte hi Juda hotute chuan an en liam mai mai a, barah an khawn duh lo. Kristan natna a tihdam tam takte chu Juda hotute hmasialna leh mi an hnuai chhiah luat vâng tuarnate an ni; chu vâng chuan a ni, a thilmak tihten Juda hotute thin a khei êm êm thîn ni.”—Ellen G. White, *Chatuan Nghahfak*, p. 456.

Isuâ tihdamna thiltihte kha khawngaih rawngbâwl na leh rêldikna a ni. Khâng thil zawng zawngah khân, thilmak tih hrim hrim kha a tum a ni lo. Kristâ thilmak tih zawng zawng a tum ber chu chatuan nunna lama mîte hruai an nih theih nân a ni (*Johana 17:3*).

NILÂINÎ

AUGUST 14

Temple Thian Fâiin

Chanchin Ṭha bûa Isuâ chanchin kan chhiarin, Isuâ nunnêmna hian min hîp fo thîn a—chutah chuan damlo leh naupangte a ngaihsakna te bâkah, bo zawn hmuh thû te leh, Pathian lalram chungchângte pawh a tel. Chutiang a nih thîn avâng chuan, a hun laia sâkhaw hruaitûte thil tih thîn dân ngaithei lo va thunei taka a chêtna mak kan tih deuhna chhan chu ni.

Chhiar tûr: *Matthaia 21:12–16; Marka 11:15–19; Luka 19:45–48, leh Johana 2:13–17.* Chanchin Ṭha ziaktûten hê thawnthû an ziah theuh chhan hi eng nge ni ang?

Hê thilthleng chungchâng Chanchin Ṭha bûtea a chuang theuh hi a mak lêm lo. Phûr taka chêtna, thil a taka tihna-tein a khat a ni. Khatianga tempul hman a, inthâwina ran hralh vêlin chibaibûkna dik a luahlân kha Isuâ thil ngaihtheih loh zâwng tak a ni a. Khawvêl sualte tâna a la thihna tûr entîrtu ni tûr inthâwina thianghlim tihbawrhbâna ang mai zu ni a!

Chutianga chêt han lâk rap chu Hebrai zâwlneite lo tih thîn dân nêp pawh a inrem a. Chutiang chu Chanchin Ṭha bu tinah chuângin, Isua emaw, Chanchin Ṭha ziaktu emawten hê chanchin hrilh fiah nân Isaia te, Jeremia leh *Sâm* bu thû an la chhuak a. Mipuiten Isua kha zâwlneiah an pawm a (*Matthaia 21:11*), sumdáwngtûte leh tangka thlengtûte tempul tuâl aṭanga a hnawh chhuah hnûin, an hnênah an lo kal a, anin tidamin a lo zirtîr hlawm a. Kuta a deuh zâra tihdamna changin, a zirtîrna an ngaihthlâk zârah an thinlungah beiseina a lo ṭhang lian ṭhîn a ni.

Sâkhaw hruaitûte pawhin Isua kha zâwlnei a ni tih te, an lalna leh khawtlânaa an dinhmun tiderthâwngtu a ni tih an pawm a— Isua tihlum tûra phiar rûk tumin an kal bo va. Kum za eng emawti kal ta kân, an thlahtûte pawhin chutiang chuan zâwlneite chungah an lo ti tawh ṭhîn a ni (*Luka 19:47, 48* en tel la).

Engtin nge keini kohhran member-te hian Isuâ hun laia tempul then fai ngai ang kan nih vê loh nân ṭan kan lâk ang? Engtin nge thlarau lam thila hlauawmte kan hêl ang a, chûng zînga ṭhenkhat chu engte nge ni hlawm?

NINGÂNĪ

AUGUST 15

Kristâ Kraws Chu

Pathian chu rethei leh hnehchhiah tuârte âu thâwm ngaithlâ a hretu a ni tih hriat hi a thlamuanpuiawm hlê mai. Pathian chu, Isua hmanga khawvêla thil nunrâwn thlâk ber, hnehchhiahna leh dik lo taka chêtna tuârtu Pathian a ni. Khatiang takin Isuan khawngaihna leh ṭhatna chu a nun leh rawngbâwlina hmanga a lantîr chungin, huatna, thîkna leh dik lo taka tihna tuârin a thi ta tho mai.

Gethsemene Huana mangang taka a ṭawngṭai aṭanga man, a chungchâng rêlsak, nghaisak, nuihza siam nâna hman, khenbeh leh a thih thlengin, tawrhna khirhkhân ber, nunrâwnna, thil ṭha lo leh hrehawm taka hrêkbehna a tuâr a. Hêng zawng zawng hi a nunnêmna, thianghlîmna leh ṭhatna vânga a tawrh vek a ni.

“Mahni chu bâwih angah a insiam a, mihringte anga insiamin, amah leh amah a intitlâwm ta zâwk a, mihring anga lo awmin, a inngaitlâwm a, thi khawp hiala thu zâwmin a lo awm ta a, kraws-a thihna ngei chu!” (*Filipi 2:7, 8, NIV*). Chhandamna chanchin entlang hmangin, kan tâna Isuâ inhlan mâwina chu kan hmû a, chutih laiin, a tawrhna râwnzia leh dik lo taka a chungchâng rêlsak a nihnate kha kan theihngihl mai tûr a ni lo.

Isaia 53:3–6 chhiar la. Isuâ chung a thil thleng, bawhchhetûte tâna sual nei lo vin a tawrh chungchâng eng nge hei hian min hrilh? Engtin nge hei hian kan tâna A thil paltlang chungchâng man thiam tûra min tanpui?

Pathian chuan Isuaah khân thil tha lo leh dik lo taka rêlsak nih natzia chu a lo tuâr a. Sual nei lo tihhlumna kha a râwng a, Pathian tihlum pheih chu a râwnthlâk leh zual. Tlu tawh leh dinhmun châu kan nihnaah hian Pathian chu a inchhiar tel vê a, chuwângin a lainatna te, khawngaihna leh rinawmnate chu kan ringhlel thei lo vang: “Puithiam Lalber, kan chak lohnate min hriatpui thei lo nei kan ni sî lo; keimahni anga kawng tin rênga thlêmna tâwk tawh, sual erawh chu sual lo, nei kan ni zâwk e,” (*Hebrai 4:15, NIV*). Pathian nungchang puanchhuahna ropui a va ni êm!

LALPÂ tâna kan tih zawng zawngah, a bîkin tlachhamte kan pawhnaah, engati nge kan âiawha Isuâ thihna chu kan rawngbâwlna leh tum hlen tûr thupuaia nei zêl tûr kan nih?

ZIRTÂWPNÍ

AUGUST 16

ZIR ZĀUNA: Chhiar tûr: Ellen G. White lehkhabu, *Tihdam Rawngbâwlna*, (2nd Edition, 2014)-a “A Rawngbâwlna Nîte,” pp. 18-37; *Chatuan Nghahfâk* (2nd Edition, 2014)-a “Temple Thenfai Lehna,” pp. 654–669; “Pilata Rorêlna Pindana,” pp. 814–836.

“A dân bawhchhetûte chu A la hrem ngei dâwn a ni tih chu Chiang takin Pathianin A thû-ah a târlang a. ‘Pathianin mi sualte chungah a rêldikna a lantîr tak tak lo vang, zah a ngai thei sî a,’ tia ngaitute chuan Kalvari kraws en mai rawh se. Bawlhhlawh kai lo leh hmêlhem lo Pathian Fapa thihna hian, “sual man chu thihna a ni,” tih leh ‘Pathian dân bawhchhiatna tinrêngin dik taka thungrulhna an la dawng vek dâwn a ni,’ tih a lantîr a ni. Sual nei lo Krista chu mihring tân sualah a lo chang ta. A thinlung a hliam a, a nunna tâwp rak thlengin, a laka a Pain a hmêl a thupna leh bawhchhiatna mawh chu phurin a tuar chhuak ta a; mi sualte tlana an awm theih nân hetiang hian a tuar ta a ni. Chu chu sual avânga hremna lo awm tûr laka mîte tihzalênna awm chhun a ni a, kawng dang a awm lo. Chuti fakauva tlanna ropui pawm duh lotu zawng zawngte chuan, bawhchhiatna avânga hremna leh thiam loh chantîrna chu, an taksa ngeiin an tuar ngei dâwn a ni.”—Ellen G. White, *Indona Ropui*, pp. 539, 540.

ZAWHNA SAWI HO TÛR:

- ❶ **A chungah Pi White-i thu sawi hi chhiar la. Dik lo taka rêlna chungchnâng sawi la: Sual nei lo Kristan dân bawhchhetûte hremna tûr a tawrhsak a! Engati ngei hê thutak hi thupuia neih reng a pawimawh?**
- ❷ **Isuan a sawi ang ‘lalram’ thlentîr tûrin sorkar inthlâk tih lam a sawi ngai lo. Kan khawvêl chanchin hi hnehchhiah leh rahbehte chhanchhuah tuma inhhâla tharum thawhna leh hnehchhiahnain a khat a ni ber mai. A rahchhuah chu hnehchhiahtu pâwl inthlâk ang lek fang a ni. Kristiante hian hnehchhiah tuârte châwikâng tûra sorkar thuneitûte an thawhpui tûr a nih laiin, eng vanga sorkar thuneihna hmanga chutiang tih laka fîmkhur tûr ngei an nih ang?**

③ Chhandamna ruâhmana tel thilte ngaihtuah la. Isua, mi dik chuan mi fel lote (keini) tân a tuârsak a. Engati nge kan tâna hê inhlanna ropui hian Kristaa mi tharah min siam?

KHÂIKHÂWMNA: Chanchin T̄hâah hian Isuâ rawngbâwlna târlangin, Thuthlung Hlui lama zâwlneite hnathawh hmanga hrilh fiah a ni a. Retheita tâna chanchin lâwmawm, , hnehchhiahte tâna zalênna, lungngaite tâna damna thû chu puan chhuah niin, Isuan a rawngbâwlna hmangin a lantîr t̄hîn. A thihnaah pawh, dik lo taka rêlsakna chu tuârin, mihring tlu tâte dinhmun chhe ber, nunrâwnna chu a hneh a. A phû rêng ni lo, kan tâna a thihna chungah lâwmthû awm se, kan sualte ngaihdam theih lo ni tain, chatuan nunna thutiam chu kan lo chang thei ta a ni.